



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

13. Imperator ab Amphilochio veniam petens.

urn:nbn:de:hbz:466:1-45653

lens consilium coxit, toti Ecclesiæ profuturum. Paulo enim post facinus dignum memoria fecit; & vtiq; alijs quoq; imitandum, si mortales tam facile pro Christi gloria, quām pro Principum oblectatiunculis, stulti sustinerent reputari. Quippe occasionem captauit, vt cum alijs Præsulibus in aulam venientibus, & ipse veniret. Ibi, vti mos, & par erat, cum alijs Episcopis Imperatorem quām decentissimè consalutauit. Recta inde ad filium ipsius, qui admodum nuper ad Imperium lectus fuerat, digressus, eum im, politè atq; inurbanè gestique subrustico tractare cœpit. Neque enim eadem illi, quæ patri eius, obseruantæ honorisque signa exhibuit; sed, tanquam si de vulgo, aut coloni terræ filius esset, ita cum eo, quasi cum puer colloquens, manuq; eum, contra omnes leges aulicas, demulceñs: *Salve & tu, ô puer, inquietabat.* Hæc cum videret Theodosius, senem Amphilochium ætate desipere existimabat, & vtiq; rudiore animo, rusticum, nō aulicum, in aula, agere cogitabat. Itaque simplicitatem hominis instruendam censuit, docuitque, quibus cærimonij filius esset salutandus. Iterum erras, ô Imperator, non tu illum, ille te, docebit: tui, non illius mores sunt culpandi.

XII.

Audijt igitur Amphilochius Imperatorem, instructio- nēmque illius, leui risu, refutans quasi per contumaciam, respon- dit: sufficere filio eius iam exhibitum à se honorem. Hoc dicto Theodosius ira percitus, & non secus, ac si filius atrocí iniuria affectus esset, grauiter commotus, Episcopum delirantem, cum conuicio, abduci iussit. Cithara vt sonet, percutienda est: idem huic Episcopo accidit. Tangebatur iam & satellitum manu igno- miniosè foras protrudebatur, cum renidente ac sereno ore cōuer- sus, consiliūmq; in animo occultatum sonantisima voce, pferens: *Videsne ô Imperator, inquietabat, quām tu indignè illam filio tuo iniuriam feras? Vides, quām vehementer & incensè, ob compellationem mīnīs urbanam decentemq;, in me, exardescas? Sic scilicet existimare te oportuit, succensere etiam cælestem Imperatorem & Patrem Vni- geniti, propter eos, qui non communem illi tribuunt honorem, sed diffini- lem & longè minorem Patre vocare audent.*

XIII.

Hic vidisses, quid diuina possint. Etenim Imperator, cum inde rem aetam intelligeret, & verba illa confidentissimè aptissimèque prolata admiraretur, velut fulmine ictus, ita quām primū sacerdotem Dei ad se accersuit, atque ad pedes eius ce- cedit.

cedit veniam petens, publicaque voce professus est, non Episcopum, sed se simplicem fuisse atque ignorantem; neque aliter, quam ipse dixisset, se rem habere. Igitur in ea sententia confirmatus, postea eos, qui aliter, quam Nicææ statutum fuerat, opinantur, extremè auersatus est. Contentiones in foro, & inanes conuentus inhibuit; disputationibus, de Deo & natura eius, finem omnino imposuit, & constitutione publicè proposita, periculum, qui ei non parerent, denunciauit, pœnásque, contra hoc editum actris, seuerissimas est comminatus. Ita factum, ut Arianis & Eunomianis pulsis, τε δυοστις consubstantialis fidei professores Ecclesiæ moderarentur. Ita astutiam simplicitas supplantauit.

Liceat saltem mihi, ex hac historia, aliquid discere, si alij nolunt. Nempe illud disco, ut non diffidam simplicitati meæ, sed quæ ad diuinum honorem; quæ ad Religionem orthodoxam & conseruandam, & propagandam; quæ ad iustitiam pacis & bellii obtinendam faciunt, & quæ mihi à bono Genio, immò à bono Deo suggeruntur, ea, cum locus aut tempus iubet, liberè profaram. Si apud Principum aures, si in curia Regum, si in maximis aulis mihi locus non est; saltem illis identidem occinam, & circa illorum aures circumsonabo, qui proximi sunt Principibus, qui Regum aures tenent apertas, qui cuiuscunque Dynastæ aut curiam, aut animam habent, occupántque. Non sum exercitatus in schola Machiauelli; non didici gryphos; non sectatus sum artes & ambages Politicas; at meliorem magistrum Spiritum S. humilibus promissum inuocabo, quia inspiratio omnipotentis dat intelligentiam. Beatus homo, quem tu erudieris, Domine, & de lege tua docueris eum. Sapientior enim euadet, quam Athenienses, & omnes Mundis sapientes. Timebat Moyses, cum eum Deus mitteret ad Pharaonem, & dicebat: Obsecro, Domine, non sum eloquens ab heri & nudius tertius. Etsi enim eruditus esset, omni sapientia Ægyptiorum, &c, vt Origenes ait, eloquentia incomparabili, tamen ab heri, & nudius tertius, postquam Deum loquentem audiuit, intellexit ruditatem suam; sicut rusticus, licet, cum iumentis suis comparatus, sapiens videatur; collatus tamen Doctoribus imperitiam suam agnoscit; ita Moyses vidit, omnem humanam sapientiam, coram Deo, stultitiam esse. Sed Deus illi dixit: Quis fecit os hominis, aut quis fabricatus est mutum? Age igitur, quod agis, tu linguam dabis, ego suggeram verba. Quo pacto etiam Christus

XIV.

Iob. 32. 8.

Psal. 93. 12.

Exod. 4. 10.

Cc Aposto-